

Sorpstöð Rangárvallasýslu  
Suðurlandsvegur 1 - 3  
850 Hella

Reykjavík, 17. desember 2019  
UST201901-211/S.M.  
08.14.02


### Seinna reglubundið eftirlit í Sorpstöð Rangárvallasýslu

Þann 6. nóvember sl. fór fram seinna reglubundið eftirlit á urðunarstað Sorpstöðvar Rangárvallasýslu að Strönd. Í samræmi við 57. grein reglugerðar nr. 550/2018 um losun frá atvinnurekstri og mengunarvarnaeftirlit sendist meðfylgjandi eftirlitsskýrsla.

Engin frávík komu fram við eftirlit og engar athugasemdir voru gerðar.

Virðingarfyllst

  
Sigríður Magnúsdóttir

  
Frigg Thorlacius

Afrit: Heilbrigðisnefnd Suðurlands

# EFTIRLITSSKÝRSLA

## Sorpstöð Rangárvallasýslu Strönd



<b>Dags eftirlits</b>	6.11.2019	<b>Ábyrgðarmaður eftirlits</b>	Sigríður Magnúsdóttir
<b>Fyrirtæki</b>	Sorpstöð Rangárvallasýslu	<b>Eftirlitsmaður</b>	Frigg Thorlacius
<b>Heimili</b>	Suðurlandsvegi 1	<b>Tegund eftirlits</b>	Reglubundið seinna eftirlit
<b>Kennitala</b>	600893-2469	<b>Flokkur</b>	Úrgangur og efnamóttaka
<b>Fulltrúi fyrirtækis</b>	Hulda Karlsdóttir	<b>ÍSAT nr.</b>	38.21.0
<b>Fulltrúi fyrirtækis</b>	Ómar Sigurðsson	<b>Staðsetning</b>	690508,452 590016,913

### NIÐURSTAÐA EFTIRLITS

Engin frávik komu fram við eftirlit. Staðfestar voru úrbætur vegna fráviks er varðar timburkurl og telst því lokið.

### UMFANG EFTIRLITS

Farið var í seinna reglubundið eftirlit ársins á urðunarstað Sorpstöðvar Rangárvallasýslu að Strönd og var umfang eftirlitsins eftirfarandi:

1. Umfang starfseminnar (gr. 1.2 í starfsleyfi)
2. Frávik og úrbótaáætlun vegna fyrra eftirlits 2019
3. Önnur mál
4. Skoðunarferð um urðunarstaðinn

Á Strönd er heimilt að taka á móti 6350 tonnum af úrgangi á ári, þar af 5200 tonn til meðhöndlunar. Óvirkur úrgangur er urðaður á staðnum en endurvinnanlegur úrgangur er safnað og fluttur til viðeigandi endurvinnsluaðila. Fram kom í eftirlitinu að söfnun á lífrænum úrgangi væri hafinn í sveitarfélaginu og er ætluin að hann fari í jarðgerð.

Farið var yfir niðurstöður fyrra eftirlits ársins og opin frávik. Í fyrra eftirliti 2019 kom fram frávik vegna ófullnægjandi skila á skráningum þar sem skráningum vegna t.l. 1-5 og 7-11 í gr. 5.1 í starfsleyfi hafði ekki verið skilað. Rekstraraðili lagði fram úrbótaáætlun og hyggst skila fullnægjandi skráningum í næstu skilum vorið 2020.

Rætt var um opin frávik úr fyrra eftirliti 2018. Frávik vegna of mikils magns timburkurls á svæðinu kom fram í því eftirliti og hefur rekstraraðili síðan verið að vinna í að minnka magn timburkurls m.a. með því að nýta það í gerð jarðvegsmana við urðunarstaðinn. Fram kom að mikið hefði unnist við að koma timburkurlinu í manir. Ábending var einnig gerð þar sem ástand girðinga var orðið lélegt, fram kom í eftirliti nú að ekki hefði enn náðst að laga girðingar og væri áætlað að fara í það verkefni á vordögum 2020. Stöðin væri nú vel mönnuð og því hægara um vik að fara í girðingavinnu.

Að fundi loknum var farið í skoðunarferð um urðunarstaðinn. Staðfest var að magn timburkurls hefur minnkað talsvert og vinna við jarðvegsmon er langt komin. Enn er eitthvað af timburkurli eftir sem einstaklingar geta sótt í sem og að eitthvað verður notað í frekari vinnu við jarðvegsmanir. Að öðru leyti var ekki tilefni til athugasemda.

- 1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.
- 2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 17.12.2019

Sigríður Magnúsdóttir